



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Atheniensi, Neopatrensi, & Larisseno Archiepiscopis, & Davaliensi,
Fermopilensi, Avalonensi, Sydoniensi, Castoriensi, & Zaratoriensi
Episcopis, & Thebano, Citrensi, Nazoresenti, & Valacensi electis.

urn:nbn:de:hbz:466:1-20020

PHILIPPO ILLVSTRI
Regi Francorum.

Epiſt. 190.
Ut regalia reſtituitae Episco-
pis Aurelian. & Antiochieno-
renſi.
Vide lib. 10.
Epiſt. 195. lib.
24. Epiſt. 52.
161. 106. 107.
Epiſt. 15. Epiſt.
39. 40.

CVM alij Reges & Principes rationes & libertates ecclesiasticas persequuntur, nos, fili carissime, te illis obicimus in exemplum quod eas in regno tuo custodis illas; propter quod & Dominus iustus judex te ac regnum tuum haec tenus custodivit illas, quin etiam magnificè augmentavit, nec augmentare ac custodire desistet quandiu tu & heredes tui fideliter curaveritis in hoc laudabili proposito permanere, quod & apud Deum est meritorium & apud homines gloriosum. Nam si ad regna vicina pariter & remota oculos tuae considerationis extendas, manifeste videbis quam graviter Deus illa contriverit quorum [Reges & Principes] rationes & libertates ecclesiasticas infringere præsumperunt. Nuper autem, quod dolentes referimus, nostris estauribus intimatum quod tua regalis sublimitas contra venerabiles fratres nostros Antiodorenſi & Aureliensem Episcopos indignata remagi præcepit nonutique sui moris, sed nec etiam sui juris, dum eorum saifiri fecisti regalia, immo. etiam quædam alia præter illa; cùm nedum de aliquo forisfacto confessi fuerint vel convicti, nec etiam ad satisfaciendum commoniti vel inducti, levi occasione prætenſa, quod quidam eorum milites in tuo exercitu constituti ad locum quem eos adire præceperas ire cum aliis noluerunt, absentibus eisdem Episcopis per licentiam à te liberaliter impetratam. Et cùm tam per se ipſos quam etiam per venerabiles fratres nostros Senonensem Archiepiscopum & coepiscopos suos tibi humiliter supplicaverint ut faceres eis reddi regalia sic subtracta, paratis postmodum curia tuae subire judicium, sicut in talibus fieri consuevit, tu supplications eorum admittere noluisti, sed cogis eos miserabiliter exulare. propter quod ipsi de prudentum viorum consilio terrari tuam in eorum dioecesis constitutam supposuerunt ecclesiastico interdicto; sed nec sic potuerunt à te satisfactionem aliquam obtinere. unde coacti sunt apostolicum patrocinium implorare. Quocirca serenitatem tuam rogandam duxiſimus & monendam, in remissionem tibi peccaminum injungentes, quatenus pro divini nominis gloria & apostolicae sedis honore facias prefatis Episcopis subtracta restitui universa, & eos secundum consuetudinem approbatam justè ac modestè trahari, donando nobis intercedentibus pro

Deo & propter Deum si quam præfati Pontifices adversum te commiserent offendam, ne hac occasione contingat inter regnum & sacerdotium scandalum exorni; quia nos in majoribus tibi curabimus gratis, favente Domino, vicissitudine respondere. Datum Laterani xxi. Kalend. Ianuarij, pontificatus nostri anno tertio decimo.

ARCHIEPISCOPO ET SVFFRAGANEIS
Ecclesiæ Senonensis.

Scribimus carissimo in Christo filio no- Ep. 111.
Super eadem stro Philippo illuftri Regi Francorum quod cùm alij Reges & Principes rationes & libertates ecclesiasticas persequuntur, nos eundem Regem illis obicimus in exemplum quod eas in regno suo custodit illas, propter quod & Dominus iustus judex ipsum &c. in eundem ferè modum ut in alia usque in finem. Quocirca fraternitati vestre per apostolica scripta præcipiendo mandamus quatenus præfatum Regem ad hoc moneatis prudenter & efficaciter inducatis quod super his Deo & Ecclesiæ satisfaciat ut tenetur, impendentes, auctoritate nostra suffulti, prædictis Episcopis in jure suo consilium & auxilium opportunum, ne vigor ecclesiastice libertatis per novæ præsumptionis insolentiam violetur. Datum ut in alia per totum.

ATHENIENSI, NEOPATRENSI,
& Larissensi Archiepiscopis, & Davalensi,
Fermipilenſi, Avalonensi, Sydonensi,
Castoriensi, & Zaratoriensi Episcopis, &
Thebano, Cirensi, Nazorensi, & Valencensi elec̄tis.

CVM a nobis petitur quod iustum est & honestum, tam vigor aquitatis quam ordo exigit rationis ut id per sollicitudinem officij nostri ad debitum perducatur effectum. Eapropter, venerabiles fratres Archiepiscopi & Episcopi, & dilecti in Domino filii electi, vestris iustis precibus inclinati, resignationem Ecclesiarum, monasteriorum, possessionum cum pertinentiis suis, necnon etiam Presbyterorum & ecclesiasticarum personarum cum omnijure suo, quam nobiles viri Principes & Barones commorantes à confinio Thessalonicensis regni usque Corinthum in manus venerabilis fratris nostri Constantinopolitani Patriarchæ, consentiente ac approbante carissimo in Christo filio nostro Henrico Constantinopolitano Imperatore illustri, (salvo tamen terrarum censu qui crustica Græco vocabulo nuncupatur, & dudum solvebatur à Græcis) unanimi voluntate

lasset, ei demum in nostra præsentia constituto dilectum filium Angelum Subdiacolum & Capellum nostrum concessimus auditorem. Et quia quædam quæ contra prælibatam sententiam opponebat asseruit se coram eo probare non posse, idem Subdiaconus probationes suas recipienda Praetensi Præposito suo collega commisit, nihilque coram ipsis probato, partes denuo ad ipsius Subdiaconi præsentiam redierunt. Et prædictorum Plebani & Clericorum procuratore petente præfata sententiam confirmari, eò quod idem Presbyter in probatione defecerat objectorum, ipso autem Presbytero in contrarium afferente quod probationes suas producere coram eodem Præposito & collega ipsis ex causa rationabili recufarat, eò quod contra mandatum suum procurator ejus convenerat in judicem in quem non debuit convenire, Subdiaconus ipse, ad convincendam ejus astutiam, alias ei duxit inducias concedendas, infra quas probaret, si vellet, coram aliis judicibus ea quæ coram prioribus non probarat. Super quo dictus Presbyter apud Subdiaconum memoratum, proprio procuratore dimisso, recessit. Sed hujusmodi procurator, licet veller in judices convenire, litteras tamen accipere denegavit. Interim autem sepefato Presbytero in urbe callide latitante, procurator supradictæ plebis apud Subdiaconum sepedictum diu fatigatus instabat ut procederet contra illum; sed respondente ipso quod jam esset officio suo functus, dilectus filius Alatrinus Subdiaconus & Capellanus noster denuo sibi concessus auditor à nobis citari iussit Presbyterum memoratum; eoque coram ipso minimè comparente, cùm nec procurator ejus sepius requisitus litteras vellet accipere deferendas ad judices coram quibus objecta contra sententiam probarentur, præmissa nobis ex ordine recitavit. Nos autem Priori sanctæ Reparatae ac M. Canonico Lucanis injunxiimus ut eandem sententiam, quemadmodum erat iusta, executioni mandarent. Sed idem Presbyter ex illa clausula, *quemadmodum erat iusta*, diffugij occasionem afflumens, ad se deum apostolicam appellavit. Propter quod sententia ipsa non extitit executioni mandata. Cùm autem postea coram dilecto filio G. Subdiacono & Capellano nostro ad impugnandum supradictam sententiam quædam exhibueret litteras venerabilis fratris nostri Episcopi Florentini, ex quibus colligi videbatur quod prædictus magister Zenobius tempore late sententia

fuerat excommunicationis sententia innovatus, litteris tamen circa tenorem atque sigillum appensum habitis manifeste suspectis, pronuntiavit Subdiaconus antedictus de consilio sapientum sepedictum Presbyterum, qui diutiū super ipso negotio litigando hujusmodi litteras nunquam duixerat exhibendas, contra supradictam sententiam nullatenus ulterius audiendum, perpetuum super hoc eidem silentium imponendo. Et licet eidem Presbytero ab ipsa sententia provocanti dilectus filius S. Subdiaconus & Capellanus noster fuerit post hæc concessus auditor, nunquam tamen per se aut procuratorem idoneum, expectatus diutiū, comparuit coram eo. Nuper etiam, licet quidam laicus, cui pro Presbytero memorato clamanti dilectum filium Rainaldum Acolythum & Capellum nostrum concessimus auditorem, quoddam coram eo exhibuerit instrumentum, in quo in verbo veritatis idem Presbyter fatebatur se illa corporis infirmitate gravatum quod sedem non poterat apostolicam visitare, ad defensionem tamen illius nihil aliud allegavit. Volentes igitur finem imponi hujusmodi controversia totiens suscitare, ne sepedictus Presbyter lucrum de tanta tergiversatione reporteret, discretioni vestrae per apostolica scripta mandamus quatinus eundem Presbyterum contra dictam sententiam nullatenus audientes, sententiam ipsam appellatione remota executioni mandantis, contradictores per censuram ecclesiasticam competentes. Datum Laterani xvi. Kalen. Decembris, anno tertiodecimo.

COMPOSTELLANO ARCHIEPISCOPO,

Causam quæ vertebatur inter Abbatem & monachos de Lorbano ac illustrem Reginam Tarasiam post multas commissiones tibi duximus delegandam; qui diligenter in illa procedens, eam nobis remisisti sufficienter instruendam. Nos igitur utriusque partis attestacionibus & allegationibus intellectis, ita duximus sententialiter providendum, ut quia constitit nobis præfatos Abbatem & monachos per vim & metum fuisse coactos monasterium de Lorbano deserere disponendum prædictæ Reginæ, quæ, sicut conata fuerat ab initio, sic demum quasdam in illud monachas introduxit, quas tamquam propriam familiam ibi continet & gubernat, illis honeste remotis ab ipso, idem Abbas & monachi reducantur in illud & restituantur ad plenum, ita quod ejus bona dilapidare

Epiſt. 179.
De reducendis
monialibus in
monasterium
de Lorbano.

Qq q ij

Tom. II.